



Bwrdd Iechyd Prifysgol Betsi Cadwaladr (BIPBC)
Cofnodion cyfarfod y Bwrdd Iechyd a gynhaliwyd yn gyhoeddus ar 15.4.20
dros Gynhadledd WebEx

Yn bresennol:

Mr M Polin	Cadeirydd (rhan o'r cyfarfod)
Yr Athro N Callow	Aelod Annibynnol ~ Prifysgol
Y Cyng. C Carlisle	Aelod Annibynnol
Mr J Cunliffe	Aelod Annibynnol
Mr S Dean	Prif Weithredwr Dros Dro
Mr G Evans	Cadeirydd Fforwm Gweithwyr Proffesiynol Gofal Iechyd
Mrs S Green	Cyfarwyddwr Gweithredol Gweithlu a Datblygiad Sefydliadol (OD)
Mrs G Harris	Cyfarwyddwr Gweithredol Nyrsio a Bydwreigiaeth / Dirprwy Brif Weithredwr
Mrs S Hill	Cyfarwyddwr Gweithredol Cyllid Dros Dro
Mrs J Hughes	Aelod Annibynnol
Y Cyng. M Hughes	Aelod Annibynnol
Mr E Jones	Aelod Annibynnol
Mrs L Meadows	Aelod Annibynnol
Mrs J Parry	Ysgrifennydd Dros Dro y Bwrdd
Mrs L Reid	Is-gadeirydd
Mrs L Singleton	Cyfarwyddwr Dros Dro Iechyd Meddwl ac Anableddau Dysgu
Dr C Stockport	Cyfarwyddwr Gweithredol Gofal Cychwynnol a Gwasanaethau Cymunedol
Mr A Thomas	Cyfarwyddwr Gweithredol Therapiau a Gwyddorau Iechyd
Mrs H Wilkinson	Aelod Annibynnol
Mr M Wilkinson	Cyfarwyddwr Gweithredol Cynllunio a Pherfformiad
Mr Ff Williams	Cadeirydd y Grŵp Cyfeirio Rhanddeiliaid

Yn bresennol:

Mrs K Dunn	Pennaeth Materion Corfforaethol (ar gyfer cofnodion)
Mrs M W Jones	Cynghorwr y Bwrdd
Mrs L M Roberts	Rheolwr Busnes Gweithredol (Swyddfa'r Cadeirydd)

Ymddiheuriadau:

Mrs M Edwards	Aelod Cyswilt o'r Bwrdd, Cyfarwyddwr Gwasanaethau Cymdeithasol
Dr D Fearnley	Cyfarwyddwr Gweithredol Meddygol
Miss T Owen	Cyfarwyddwr Gweithredol Iechyd Cyhoeddus

Trafodwyd yr Eitem Agenda	Gweithredu gan
20/34 Sylwadau Agoriadol y Cadeirydd	
20/34.1 Croesawyd pawb i'r cyfarfod gan y Cadeirydd.	
20/34.2 Penderfynwyd y byddai'r Bwrdd yn cefnogi Camau Gweithredu'r Cadeirydd a wnaethpwyd ar y materion canlynol:	

<ul style="list-style-type: none"> • Codiad chwyddiannol o Ofal Iechyd Parhaus (CHC), taliadau ffioedd gofal cartref ac a ariennir ar y cyd ar gyfer 2020/2021; a chefnogaeth am daliad premiwm ychwanegol i'r tâl CHC fel taliad dros dro wrth i'r Bwrdd Iechyd ddatblygu ei Methodoleg Prisio CHC newydd ar y cyd â'r NCCU. • Caniatau cyfreithwyr y Bwrdd Iechyd i drafod taliad llawn o ran hawliadau gwerth uchel. 	
<p>20/35 Datganiadau Diddordeb</p> <p>Dim un wedi'i ddatgan</p>	
<p>20/36 Cofnodion Cyfarfod Cyhoeddus a gynhaliwyd ar 23.1.20</p> <p>20/36.1 Cymeradwywyd y cofnodion fel cofnod cywir.</p> <p>20/36.2 Adolygwyd y log camau gweithredu cryno a chytunwyd ar y cynigion i gau neu ohirio'r camau gweithredu.</p>	
<p>20/37 Diweddariad Covid-19</p> <p>20/37.1 Rhoddodd y Cyfarwyddwr Gweithredol Gofal Cychwynnol a Gwasanaethau Cymunedol ddiweddariad ar ffurf sleidiau cyflwyniad a fyddai'n cael eu cylchredeg. Roedd yn amlygu:</p> <ul style="list-style-type: none"> • Bod 398 achos wedi'u cadarnhau wedi bod yng Ngogledd Cymru, roedd 126 ohonynt yn gleifion mewnol ar hyn o bryd ac roedd y nifer mwyaf yn y grŵp oed 70+ a oedd yn gyson â gweddill y Deyrnas Unedig. • Bod cynllunio ar gyfer ymchwydd mewn capasiti yn parhau wedi'i seilio ar brif egwyddorion gofalu am gleifion yn y cartref lle bo'n bosibl a darparu gofal llym hanfodol ar y safleoedd llym yn unig. • Bod gwaith yn mynd rhagddo ar yr heriau o ran darparu ocsigen a nodwyd y byddai hyn yn effeithio'n bennaf ar gyfleusterau camu lawr. • Bod sefydlu'r ysbytai dros dro yn parhau ar darged. • Bod darpariaeth Cyfarpar Diogelu Personol (PPE) yn parhau i beri pryder ond mae'r cyflenwad yn parhau drwy'r fframwaith caffael cenedlaethol ac mae cefnogaeth bositif a dymunol wedi bod gan gymunedau a'r diwydiant lleol. • Bod hyfforddiant ar gyfer PPE ar waith ar draws y safleoedd. • Bod profi yn datblygu yn ogystal â chaniatáu caffael cenedlaethol. • Bod cronfa ddata adleoliad o oddeutu 1000 o staff yn awr wedi'i sefydlu. • Bod cynnydd cyson yn cael ei wneud o ran recriwtio a bod model ar waith ar gyfer staffio'r ysbytai dros dro ac i ymateb i ofynion yr ymchwydd disgwyledig mewn capasiti ar y safleoedd sy'n bod yn barod. • Bod ystod o fesurau wedi'u datblygu i hyrwyddo a chynnal lles staff. • Yn nhermau iechyd, diogelwch a diogeledd roedd llawer o waith yn cael ei wneud ar draws sawl safle ac i sicrhau y byddai'r Bwrdd yn gallu bodloni gofynion newydd yn nhermau adrodd i'r Awdurdod Gweithredol Iechyd a Diogelwch (HSE). • Ar hyn o bryd mae oddeutu 9% o'r gweithlu yn absennol o'r gwaith gyda'r rhan fwyaf o'r rhesymau dros hyn yn ymwneud â hunan ynysu gan olygu bod dyddiad dychwelyd wedi'i drefnu. 	CS

- Yn nhermau gweithgaredd nad yw'n ymwneud â Covid ar draws y Bwrdd Iechyd, roedd presenoldeb yn yr Adrannau Achosion Brys i lawr o oddeutu 50% ac roedd lleihad amlwg mewn achosion brys meddygol eraill.
- O ran cyfathrebu, cydnabuwyd ymdrech ac ymrwymiad sylweddol y tîm corfforaethol ac eraill a nodwyd bod sylw ardderchog o natur bositif wedi bod ar y teledu a'r cyfryngau.

20/37.2 Gwahoddwyd sylwadau a chwestiynau gan yr aelodau. Mae crynodeb o'r drafodaeth fel a ganlyn:-

- Roedd modelau gwahanol o ran rhagweld brig yr ymchwydd ond disgwylir hyn yn fras yng nghanol mis Mai er rhoddwyd sicrwydd i'r aelodau bod BIPBC ar hyn o bryd yn cynnal ei gapasiti o fewn gofal critigol. Byddai mwy o sicrwydd a hyder yn debygol o fod yn ystod yr wythnosau nesaf.
- Byddai'r Cadeirydd yn disgwyl gweld mwy o eglurder o ran ysbytai dros dro yn nhermau'r gweithlu, llwybrau a charfannau cleifion o fewn y dyddiau nesaf. Bu iddo hefyd fyfyrto ar y ffaith bod angen rhoi ystyriaeth i'r amser posibl a all fod angen arnynt a'r goblygiadau o golli incwm ar gyfer y safleoedd. Rhoddodd y Prif Weithredwr Dros Dro sicrwydd i'r Bwrdd bod capasiti'r ysbytai dros dro wedi'i ddylunio i ymdopi â'r senario gwaethaf posibl. Ychwanegodd bod y cwestiwn o ran colli enillion yn un ar gyfer Llywodraeth Cymru.
- Cododd y Cadeirydd y pryder cyffredinol o ran PPE eto ac y byddai'n codi'r mater eto gyda'r Cyfarwyddwr Cyllid yn Llywodraeth Cymru mewn galwad yn hwyrach ymlaen.
- Bu i'r Cadeirydd hefyd awgrymu bod angen rhoi ystyriaeth brys i'r sefyllfa o ran profi staff a pha wybodaeth y gellir ei ddarparu ar hyn o fewn y parth cyhoeddus i roi sicrwydd i bartneriaid a'r cyhoedd. Bu i'r Cyfarwyddwr Gweithredol Gweithlu a Datblygiad Sefydliadol dderbyn er bod nifer uchel o bobl yn cael profion, gellir gwneud mwy. Dynododd y byddai diweddariad yn cael ei anfon dros e-bost i'r aelodau.
- Cadarnhaodd y Cyfarwyddwr Gweithredol Gweithlu a Datblygiad Sefydliadol y byddai fframwaith risg yn cael ei drafod yn y cyfarfod Cabinet ar 16.4.20 yn cynnwys proses i'r Cabinet adolygu'r logiau risg o bob ffrwd gwaith, y Ganolfan Rheoli Argyfyngau Iechyd (HECC), canolfannau rheoli safleoedd llym a Gorchymyn Aur. Yna byddai'r Cabinet yn dod i gasgliad o ran os oes angen uwch gyfeirio unrhyw beth i'r gofrestr risg sefydliadol corfforaethol.
- Cadarnhaodd y Cyfarwyddwr Gweithredol Gweithlu a Datblygiad Sefydliadol yn ddelfrydol fe ddylai unrhyw ohebiaeth fewnol sy'n ymwneud â Covid-19 fynd drwy'r e-byst ffrwd gwaith 'SRO' ac roedd yn mynd i rannu'r cyfeiriadau e-bost hyn gydag aelodau'r Bwrdd.

SG LS

SG

20/37.3 Cyfeiriodd y Cyfarwyddwr Gweithredol Nyrsio a Bydwreigiaeth yr aelodau at y papur yn ymwneud â lefelau staffio nyrsys sy'n amlinellu cais i ohirio monitro rheolaidd a diweddariadau i'r Bwrdd a oedd yn unol â'r dull a gymerir gan Fyrddau Iechyd eraill yng Nghymru. Bu iddi roi sicrwydd i'r aelodau y byddai'r lefelau staffio a gytunwyd arnynt yn flaenorol yn cael eu cynnal am gyn hired ag sy'n bosibl o ystyried y sefyllfa bresennol. Bu iddi hefyd roi sicrwydd i Gadeirydd y Grŵp Cyfeirio Rhanddeiliaid (SRG) bod y flaenoriaeth yn dal i fod i sicrhau diogelwch cleifion a byddai unrhyw doriadau yn parhau i gael eu cofnodi a'u hadrodd arnynt fel rhan o'r gwaith parhaus o ran dangosfyrddau diogelwch, adrodd ar ddigwyddiadau a rheoli haint - gyda'r Pwyllgor Ansawdd Diogelwch a Phrofiad (QSE) gan gynnal ei arolygiaeth ar y materion hyn.

<p>20/37.4 Penderfynwyd y byddai'r Bwrdd yn:</p> <p>1. Nodi safle Llywodraeth Cymru sy'n gysylltiedig â Deddf Lefelau Staffio Nyrsys (Cymru) 2016 dan yr amgylchiadau eithriadol a CHYMERADWYO safle arfaethedig y Bwrdd Iechyd i:</p> <ul style="list-style-type: none"> • Beidio ag ail-gyfrifo'r Lefelau Staffio Nyrsys ar Wardiau Meddygol a Llawfeddygol Cleifion Mewnol sy'n Oedolion nes na fydd camau gweithredu'r pandemig bellach ar waith; • Gohirio Adroddiad Blynyddol Lefelau Staffio Nyrsys i'r Bwrdd am gyfnod amhenodol; • Ailddiffinio Lefelau Staffio Nyrsys ar gyfer Wardiau COVID ar sail dull gweithlu amlddisgyblaethol wedi'i adolygu, o flaen arweiniad cenedlaethol; • Cynnal y cyfrifiad, cyn belled ag sy'n bosibl yn rhesymol, ar gyfer wardiau/mannau pwrpasol nad ydynt yn rhai COVID (yn cynnwys gwasanaethau a gomisiynwyd). 	
<p>20/38 Cynnal Llywodraethu Da</p> <p>20/38.1 Nododd y Cadeirydd bod rhai camgymeriadau argraffyddol eisoes wedi'u nodi a'r angen i ddiwygio Atodiad 2 i ddangos y byddai'r Pwyllgor Cyllid a Pherfformiad hefyd yn cael ei ohirio. Nododd yr Is Gadeirydd ei bod hefyd wedi gwneud rhai sylwadau ar yr adroddiad ac y byddai'n eu hanfon ymlaen, yn benodol o amgylch y pwyslais cyfredol ar gyfer y Pwyllgor Ansawdd, Diogelwch a Phrofiad. Mewn ymateb i gwestiwn gan yr Is Gadeirydd, cadarnhaodd Ysgrifennydd Dros Dro'r Bwrdd y byddai lefel uchel o risgiau'n parhau i ddod ger bron y Bwrdd llawn. Awgrymodd yr Aelod Annibynnol (Undeb Llafur) y dylid cynnwys cyfeiriad at gyswllt rheolaidd gyda phartneriaid yr Undeb Llafur. Mewn ymateb i bwyntiau a godwyd gan Gadeirydd yr SRG, cadarnhaodd Ysgrifennydd Dros Dro'r Bwrdd y byddai cyfeiriad at Grwpiau Cynghori'n cael ei ymgorffori i fersiwn y dyfodol, a chadarnhaodd o ran yr adran ar gworwm, roedd gan y Cadeirydd bleidlais derfynol.</p> <p>20/38.2 Wrth aros am ddiwygiadau y cytunwyd arnynt , pendderfynwyd y byddai'r Bwrdd yn:</p> <ol style="list-style-type: none"> 1. Nodi'r adroddiad 2. Cymeradwyo'r amrywiad i'r Rheolau Sefydlog fel yr amlinellwyd 3. Cymeradwyo'r dull diwygiedig o wneud penderfyniadau'r Bwrdd 4. Cymeradwyo'r dull i gyfarfod yn gyhoeddus 5. Nodi gohirio'r Pwyllgorau fel yr amlinellir 	<p>LR</p> <p>JP</p>
<p>20/39 Cynllun Ariannol ar gyfer 2020-21</p> <p>20/39.1 Cyflwynodd y Cyfarwyddwr Dros Dro Cyllid y papur a oedd yn nodi Cynllun Ariannol arfaethedig 2020/21 gan ddangos effaith y rhagolwg a ragwelwyd, asesiad o bwysau costau, cyn-ymrwmiadau ariannol; dyraniadau Llywodraeth Cymru ac arbedion rhyddhau arian parod gofynnol. Nododd fod y cynllun yn ddogfen statig ac nid yn un ddeinamig, a chadarnhaodd mai cyngor Llywodraeth Cymru oedd gosod y cynllun fel y byddai wedi bod cyn effaith Covid-19 a'i ddefnyddio fel y llinell sylfaen ar gyfer adrodd, ac i ddynodi'r gostyngiad mewn gweithgarwch heb fod yn Covid-19 a dynodi costau sy'n gysylltiedig â Covid. Tynnodd sylw'r aelodau at effaith Covid-19 ar sylfaen cost y sefydliad a'i allu i gyflawni targedau. Roedd hyn wedi cael ei uwch gyfeirio fel risg i'r gofrestr risg corfforaethol, ac mae papur gwybodaeth ar wahân ar lywodraethu ariannol a'r gallu i fodloni Cyfarwyddiadau Ariannol Sefydlog hefyd wedi cael ei ddrafftio.</p> <p>20/39.2 Dywedodd y Cadeirydd fod angen i'r Bwrdd gydnabod yn gyntaf eu bod yn cael cyllideb ariannol heb gynllun gweithredol ond y byddai angen adfer y sefyllfa hon cyn</p>	

gynted ag y byddai materion yn dychwelyd i normal. O ran adferiad ariannol y Bwrdd, roedd hyn wedi'i atal yn unol â Byrddau Iechyd eraill Cymru ond hoffai weld adroddiad ariannol misol yn cael ei gynnal er nad oedd y Pwyllgor Cyllid a Pherfformiad yn cyfarfod ar hyn o bryd.

20/39.3 Cododd Is Gadeirydd y Pwyllgor Cyllid a Pherfformiad nifer o gwestiynau:

- Lle byddai'r "risgiau cydweithredu" a nodwyd yn cael eu cofnodi a sut y byddent yn cael eu rheoli? Ymatebodd y Cyfarwyddwr Dros Dro Cyllid nad oeddent wedi'u dynodi'n llawn yn y gofrestr risg ac y byddai angen ystyried hyn ymhellach.
- Pa awydd am newid trawsnewidiol yr oedd y cynllun yn ei dybio? Ymatebodd y Cyfarwyddwr Dros Dro Cyllid fod Covid-19 mewn gwirionedd wedi cyflymu elfennau o newid trawsnewidiol ac y byddai'r enghreifftiau cadarnhaol o arweinyddiaeth glinigol ar hyn o bryd yn rhoi mantais i'r sefydliad o ran cynaliadwyedd.
- A oedd arbedion ar y gweill i fodloni cyfanswm y targed arbedion rhyddhau arian parod o £45m? Ymatebodd y Cyfarwyddwr Dros Dro Cyllid bod bwch o hyd ac roeddent yn parhau i weithio arno.
- P'un a oedd dadansoddiad o'r hyn y byddai angen i'r gyllideb fod i gynnwys cyfeiriad at driniaeth ac ati. Ymatebodd y Cyfarwyddwr Dros Dro Cyllid mai'r disgwyliad oedd y byddai hyn wedi cael ei gyfateb gan gyllid Llywodraeth Cymru.

20/39.4 Cyfeiriodd y Cadeirydd at y trefniadau adfer a bod yn rhaid darparu adnoddau priodol ar gyfer y darn hanfodol hwn o waith. Teimla hefyd y byddai'n gyfle da i ddechrau trawsnewidiad ac nid dychwelyd yn awtomatig at lwybrau clinigol blaenorol. Awgrymodd y dylid cysylltu â Bwrdd Iechyd Hywel Dda gan eu bod o flaen Gogledd Cymru o ran eu rhaglen adfer. Gofynnodd hefyd i ddiweddariad ffurfiol ar y gwaith adfer a'r hyn yr oedd yn ceisio'i gyflawni gael ei roi ar agenda cyfarfod Bwrdd yn y dyfodol.

JP

20/39.5 Penderfynwyd y byddai'r Bwrdd yn:

1. **Nodi a rhoi sylwadau** ar gyllideb amlinellol 2020/21 a nodir yn Adran 5.1.
2. **Nodi** bod cymeradwyo cyllideb nad yw'n cynllunio ar gyfer mantoli'r gyllideb yn cynyddu diffyg cronus y Bwrdd Iechyd. Dyma fydd y chweched flwyddyn ble nad yw'r Bwrdd Iechyd wedi mantoli'r gyllideb, ac efallai y bydd angen ad-dalu'r diffyg cronus yn y tymor hir.
3. **Cydnabod** bod cymeradwyo cyllideb nad yw'n bwriadu mantoli yn fater 'newydd neu ddadleuol' sydd wedi ei gwneud yn ofynnol i'r Prif Weithredwr fel Swyddog Atebol ysgrifennu at Brif Weithredwr GIG Cymru i egluro'r sefyllfa.
4. **Nodi** y gall methu â sicrhau mantoli'r gyllideb am y cyfnod o dair blynedd olygu bydd cyfrifon y Bwrdd Iechyd yn cael eu hamodi gan Swyddog Archwilio Cymru ar sail rheoleidd-dra, yn dilyn yr archwiliad o ddatganiadau ariannol 2019/20.
5. **Nodi a chadarnhau** asesiad o ddiffyg cyllidol y Bwrdd Iechyd o £57.72m fel yr amlinellir yn Adran 5.2.
6. **Ystyried a chymeradwyo os yw pawb yn cytuno** - y pwysau cost nad oes modd eu hosgoi a amlinellir yn Adran 5.5.
7. Cynghorir y Bwrdd y bydd proffil risg ariannol y Bwrdd Iechyd yn cynyddu pe bai'n peidio â chydabod y pwysau cost hwn.
8. **Nodi** nad yw'r gyllideb yn sicrhau bod targedau perfformiad yn cael eu cyflawni'n sicr gan gynnwys Cyfeirio at Driniaeth (RTT).

<p>9. Ystyried a nodi lefel yr her arbedion ar gyfer 2020/21 a'r sail y bydd hyn yn cael ei reoli er mwyn cyflawni'r dyraniad adnoddau wedi'i gyllidebu.</p> <p>10. Cymeradwyo cyngor y Cyfarwyddwr Gweithredol Cyllid o gyfanswm targed arbedion o £45m.</p> <p>11. Yn ddarostyngedig i argymhellion 5 i 10, cymeradwyo'r gyllideb a argymhellir a amlinellir yn Adran 5.1.</p> <p>12. Cymeradwyo'r defnydd o Drefniadau Atebolrwydd, ar sail y ddogfen sydd wedi'i chynnwys yn Atodiad 2.</p> <p>13. Nodi a chymeradwyo'r dyraniad cyfalaf fel yr amlinellir yn Adran 5.6, gan gydnabod bydd y Bwrdd Iechyd, drwy'r Pwyllgor Cyllid a Pherfformiad, yn datblygu cynlluniau i wario'r dyraniad hwn dros y flwyddyn o fewn y cyfyngiadau a amlinellir.</p> <p>14. Nodi'r goblygiad Arian Parod fel y nodir yn Adran 5.7, a'r gofyniad i ad-dalu'r diffyg arian parod cronus dros y tymor hir.</p> <p>15. Nodi'r dyraniadau sydd wedi'u neilltuo fel y nodir yn Adran 6.1.</p> <p>16. Nodi'r Risgiau fel y nodir yn Adran 8.2 ac ystyriaethau Llywodraethu fel y nodir yn Adran 9.</p> <p><i>[Gadawodd Mr M Polin y cyfarfod a Chadeiriodd Mrs L Reid o'r pwynt hwn ymlaen]</i></p>	
<p>20/40 Diweddariad Cofrestr Risg Gorfforaethol a Diweddariad Strategaeth Rheoli Risgiau</p> <p>20/40.1 Ystyriodd y Bwrdd risg a ddisgrifiwyd o'r newydd (3117) sy'n berthnasol i iechyd a diogelwch y cyhoedd a gododd o achosion COVID-19 a'r galw am fynd y tu hwnt i gapasiti sefydliadol. Teimlwyd bod llawer o'r rheolaethau'n canolbwyntio ar dasgau ac yn ymatebion i ddigwyddiad yn hytrach na rheolaethau a fyddai'n lliniaru risg gymalog. Awgrymwyd hefyd y gallai disgrifiad y risg gael ei ddiffinio'n well. Cydnabu aelodau'r risg yn gyffredinol ac y byddai swyddogion yn parhau i fireinio'r naratif a'r rheolaethau. Teimlai'r Cyfarwyddwr Gweithredol Gweithlu a Datblygu Sefydliadol bod llawer o gysylltiadau i'r fframwaith gorchymyn a rheoli ac awgrymodd y dylai'r risg gael ei drafod yng nghyfarfod nesaf y Cabinet.</p> <p>20/40.2 Ystyriodd y Bwrdd risg a ddisgrifiwyd o'r newydd (3138) perthnasol i reoli haint o ganlyniad i ddefnydd, ansawdd neu gyflenwad annigonol PPE. Cafodd ei gydnabod eto mewn egwyddor bod angen risg o'r natur hon o fewn cofrestr risg gorfforaethol ond bod disgrifiad y risg angen ei addasu. Yn ogystal, nododd y Cyfarwyddwr Gweithredol Nyrsio a Bydwreigiaeth y byddai angen ei ddiweddarau yn dilyn cyfarfod perthnasol ar y 14eg ac ychwanegodd y Cyfarwyddwr Gweithredol Gweithlu a Datblygu Sefydliadol fod angen cynnwys gofynion adrodd yr HSE ynghylch amlygiad.</p> <p>20/40.3 Nododd Cadeirydd yr SRG bod y ddwy risg newydd ar sgôr annerbyniol yn ôl yr archwaeth risg a ddiffiniwyd yn y Strategaeth Rheoli Risg sefydliadol. Cydnabu'r Bwrdd yn ffurfiol nad oedd hwn yn safle yr oedd yn hapus i fod ynddo, fodd bynnag, roedd yn ddealladwy o ystyried y sefyllfa ddigynsail.</p> <p>20/40.4 Cafodd y Bwrdd gopi o Strategaeth Rheoli Risg sefydliadol diwygiedig a oedd yn tanlinellu'r bwriad a'r ymrwymiad i ddechrau gweithredu a mewnosod Model Rheoli Risg</p>	

<p>Menter (ERM) ar draws y sefydliad. Cynigiodd Cadeirydd y Pwyllgor Archwilio i'r Bwrdd nad oedd hyn wedi ei gymeradwyo oherwydd bod gan y Pwyllgor Archwilio bryderon am gapasiti'r tîm rheoli risg i weithredu'r cynllun hwn yn llawn. Dywedodd Ysgrifennydd Dros Dro y Bwrdd y byddai angen ymestyn y Strategaeth Rheoli Risg bresennol felly i sicrhau bod strategaeth weithredol yn dal ar waith hyd nes y sicheir y Pwyllgor Archwilio ynghylch capasiti. Dywedodd hefyd fod adroddiad yn mynd i'r afael â materion capasiti i'w ysgrifennu ond ei fod wedi'i ohirio.</p> <p>20/40.5 Oherwydd y drafodaeth, penderfynwyd y byddai'r Bwrdd yn:</p> <ol style="list-style-type: none"> 1. Cymeradwyo, mewn egwyddor, y risgiau corfforaethol newydd perthnasol i COVID-19 a PPE 2. Cymeradwyo ymestyn y Strategaeth Rheoli Risg gyfredol i barhau fel y strategaeth weithredol hyd nes y bydd rhybudd pellach. 	
<p>20/41 Deddf Iechyd Meddwl 1983 fel y diwygiwyd gan Ddeddf Iechyd Meddwl 2007. Deddf Iechyd Meddwl 1983 Cyfarwyddiadau Clinigwyr Cymeradwy (Cymru) 2018. Diweddariad ar Gofrestr Adran 12(2) Meddygon Cymeradwy ar gyfer Cymru a Diweddariad ar Gofrestr Clinigwyr Cymeradwy (Cymru Gyfan)</p> <p>20/41.1 Penderfynwyd y byddai'r Bwrdd yn cadarnhau'r rhestr o ychwanegiadau a phethau a ddilëwyd ar Gofrestr Cymru Gyfan o Feddygon Cymeradwy Adran 12(2) ar gyfer Cymru a Chofrestr Cymru Gyfan o Glinigwyr Cymeradwy.</p>	
<p>20/42 Dyddiad y Cyfarfod Nesaf ac Unrhyw Fater Arall</p> <p>20/42.1 Nodwyd y byddai'r Bwrdd Iechyd yn cyfarfod yn gyhoeddus y tro nesaf ar 14 Mai 2020</p> <p>20/42.2 Gofynnodd Ysgrifennydd Dros Dro y Bwrdd i'r Bwrdd gytuno ar ddau fater o dan unrhyw fater arall:</p> <ul style="list-style-type: none"> • Nodwyd bod aelodau wedi derbyn copi o lythyr gan Swyddfa Archwilio Cymru dyddiedig 8 Ebrill 2020 yn nodi effaith Covid-19 ar y cynllun archwilio blynyddol. • Cytunodd y Bwrdd y byddai cymeradwyaeth cyfrifon blynyddol cyllidebol sefydliadol ar gyfer 2019-20 yn cael ei ddirprwyo i'r Pwyllgor Archwilio. 	
<p>20/43 Deddf Cyrff Cyhoeddus (Mynediad i Gyfarfodydd) 1960</p> <p>20/43.1 Penderfynwyd y byddai'r:</p> <ul style="list-style-type: none"> • Bwrdd yn nodi, er bod arsylwyr yn cael eu heithrio rhag mynychu cyfarfodydd yn ystod pandemig Covid-19, bydd cofnodion y drafodaeth a gynhelir mewn sesiwn gyhoeddus yn cael eu cyhoeddi i'r wefan cyn pen tri diwrnod gwaith os yw'n bosibl. • Bydd gweddill y cyfarfod yn cael ei gynnal mewn sesiwn breifat oherwydd natur gyfrinachol y busnes a fyddai'n cael ei drafod, cyhoeddusrwydd a fyddai'n niweidiol i fudd y cyhoedd yn unol ag Adran 1(2) Deddf Cyrff Cyhoeddus (Mynediad i Gyfarfodydd) 1960. 	
<p>Yna cynhaliodd y Bwrdd Iechyd sesiwn breifat. Yr unig fusnes a drafodwyd oedd:</p> <p>20/44 Cymeradwyo cofnodion y cyfarfodydd a gynhaliwyd yn breifat ar 23.1.20 fel cofnod cywir a nodi crynodeb cofnod gweithredu gyda chynigion i gau neu ohirio gweithredoedd.</p>	